



Broj: 27-04-04-3397/26
Sarajevo, 03.02.2026. godine

Na osnovu člana 13. Zakona o mladima Federacije Bosne i Hercegovine (Službene novine FBiH, broj 36/10) i člana 66. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05), ministrica za nauku, visoko obrazovanje i mlade donosi

PRAVILNIK O SADRŽAJU I NAČINU VOĐENJA SPISKA OMLADINSKIH UDRUŽENJA I ORGANIZACIJA KANTONA SARAJEVO

OPĆE ODREDBE

POGLAVLJE I – PREDMET PRAVILNIKA

Član 1.

(Predmet)

Pravilnik o sadržaju i načinu vođenja Spiska omladinskih udruženja i organizacija Kantona Sarajevo (u daljem tekstu: Spisak) propisuje postupak i način upisa u Spisak omladinskih udruženja, organizacija i neformalnih grupa mladih koji imaju sjedište ili su registrovani na području Kantona Sarajevo (u daljem tekstu: Kanton Sarajevo) sa potrebnim obrascima za vođenje Spiska omladinskih udruženja u skladu sa Zakonom o mladima Federacije BiH (u daljem tekstu: Zakon).

Član 2.

(Vođenje Spiska)

Sadržaj i način vođenja Spiska omladinskih udruženja Kantona Sarajevo obuhvata prikupljanje, obradu i ažuriranje podataka kako je propisano ovim Pravilnikom.

Član 3.

(Unošenje podataka)

U Spisak se upisuju, ažuriraju i evidentiraju podaci o omladinskim udruženjima, organizacijama i neformalnim grupama mladih (u daljem tekstu: Udruženja) u skladu sa ovim Pravilnikom.

Član 4.
(Kriteriji za upis)

Udruženja koja se upisuju u Spisak omladinskih udruženja Kantona Sarajevo trebaju ispunjavati utvrđene kriterije, kako slijedi:

- da je upisan u odgovarajući registar i/ili osnivački akt kojim je definisano područje, djelovanja u skladu sa prioritetima mladih pri nadležnom Ministarstvu pravde,
- da su njegove aktivnosti i statutarne djelatnosti usmjerene na ostvarivanje prava mladih životne dobi od 15 do 30 godina u skladu sa Zakonom o mladima FBiH,
- da se aktivnosti udruženja realizuju na području Kantona Sarajevo.

POGLAVLJE II - DEFINICIJE

Član 5.
(Mladi i omladinsko udruženje)

(1) "Omladina" ili "mladi" su osobe u životnoj dobi od navršenih 15 do navršenih 30 godina starosti.

(2) "Omladinsko udruženje" označava udruženje čije članstvo i organe upravljanja čine dvije trećine mladih, čije su aktivnosti i statutarne djelatnosti usmjerene na mlade, a koje se osniva, registrira, djeluje i prestaje postojati u skladu sa zakonom na osnovu kojeg je registrirano.

Član 6.
(Neformalna grupa mladih)

Neformalne grupe mladih podrazumijevaju grupe od najmanje pet osoba koje nisu registrovana organizacija, ali imaju zajednički cilj i zvaničnog predstavnika / predstavnicu grupe.

POGLAVLJE III – NADLEŽNOST I OBAVEZE

Član 7.
(Nadležnost Ministarstva)

(1) Ministarstvo za nauku, visoko obrazovanje i mlade Kantona Sarajevo nadležno je za vođenje Spiska (u daljem tekstu: Ministarstvo)

(2) Ministarstvo će formirati i voditi Spisak omladinskih udruženja u cilju transparentnosti, saradnje, podrške, koordinacije i partnerstva sa nevladinim omladinskim sektorom.

(3) Ministarstvo će kontinuirano vršiti promjene i ažuriranje Spiska.

(4) Ministarstvo će dvaput godišnje upućivati poziv omladinskim udruženjima za dostavu podataka u svrhu ažuriranja i unapređenja Spiska omladinskih udruženja.



POGLAVLJE IV – ZAHTJEV ZA UPIS U SPISAK

– OBRASCI I SADRŽAJ OBRAZACA

Član 8.

(Podnošenje obrasca o upisu u Spisak)

- (1) Obrasc 1 i 2 o upisu u Spisak se podnosi Ministarstvu u jednom primjerku putem protokola, elektronskim putem ili putem pošte na adresu Ministarstva.
- (2) Obrazac 1 o upisu u Spisak potpisuje osoba ovlaštena za zastupanje i predstavljanje omladinskog udruženja.
- (3) Obrazac 2 mora biti potpisan i ovjeren od strane ovlaštene osobe za zastupanje i predstavljanje omladinskih udruženja i ovjeren u nadležnoj općinskoj službi.
- (4) Podaci koji su upisani u spisak moraju biti istovjetni sa odredbama Statuta, odlukama i zaključcima organa upravljanja omladinskog udruženja na koje se podaci odnose.

Član 9.

(Obrasci)

- (1) Sastavni dio ovog Pravilnika su sljedeći obrasci:
 - a) Obrazac za upis u Spisak omladinskih udruženja (Obrazac 1)
 - b) Izjava o saglasnosti za obradu ličnih podataka (Obrazac 2)

Član 10.

(Sadržaj obrazaca)

- (1) Obrazac 1 o upisu u Spisak omladinskih udruženja i organizacija Kantona Sarajevo se sastoji iz sljedećih stavki, i to:
 - Pun naziv udruženja,
 - Skraćeni naziv udruženja,
 - Adresa udruženja,
 - Kontakt telefon udruženja,
 - Kontakt email udruženja,
 - Datum osnivanja udruženja (dan, mjesec i godina),
 - Naziv nadležnog organa kod koga je udruženje upisan u registar i redni broj upisa,
 - Šifra privredne ili druge djelatnosti udruženja,
 - Oblast djelovanja udruženja,
 - Ciljevi udruženja,
 - Vizija i misija udruženja,
 - Organizaciona forma udruženja,
 - Važnije aktivnosti / projekti u posljednjih 12 mjeseci udruženja,
 - Članstvo u nekim mrežama / koalicijama udruženja u BiH / inostranstvu,
 - Značajni projekti / aktivnosti u partnerstvu sa drugim udruženjima,
 - Ime i prezime, e-mail i kontakt telefon ovlaštene osobe za zastupanje udruženja.



(2) Obrazac 2 sadrži Izjavu ovlaštene osobe o saglasnosti za obradu ličnih podataka

SADRŽAJ I JAVNOST SPISKA

Član 11.

(Sadržaj Spiska)

- (1) Spisak se sastoji od Obrasca 1 i Obrasca 2.
- (2) Sadržaj Obrasca 1 i Obrasca 2 utvrđen je članom 10. ovog Pravilnika.

Član 12.

(Elektronsko vođenje Spiska)

- (1) Spisak se vodi kao jedinstvena, centralna i javna elektronska baza podataka.

Član 13.

(Javnost Spiska)

- (1) Spisak omladinskih udruženja je javan i objavljuje se na web stranici Ministarstva.
- (2) Spisak omladinskih udruženja je u skladu sa Zakonom o slobodi pristupa informacijama, Zakonom o zaštiti podataka i odredbama ovog Pravilnika.

POGLAVLJE V

- POSTUPAK BRISANJA IZ SPISKA

Član 14.

(Postupak brisanja iz Spiska)

- (1) Iz Spiska se briše omladinsko udruženje ako:
 - a) se briše iz Registra nadležnog Ministarstva pravde,
 - b) podnese udruženje Zahtjev za brisanje iz Spiska omladinskih udruženja Ministarstva za nauku, visoko obrazovanje i mlade Kantona Sarajevo,
 - c) udruženje prestane biti omladinsko udruženje u skladu sa Zakonom,
 - d) se utvrdi postojanje nepravilnosti i nezakovitosti u radu omladinskih udruženja shodno Odluci nadležnog Ministarstva pravde.

POGLAVLJE VI

- PRIJELAZNE I ZAVRŠNE ODREDBE

Član 15.

(Dostupnost Pravilnika)

- (1) Ovaj Pravilnik sa potrebnim obrascima dostupan je javnosti na web stranici Ministarstva.



Član 16.

(Stupanje na snagu i objava)

- (1) Pravilnik stupa na snagu narednog dana od dana objavljivanja na web stranici Ministarstva.
- (2) Spisak vodi Ministarstvo za nauku, visoko obrazovanje i mlade Kantona Sarajevo, Sektor nadležan za mlade.



MINISTRICA

Prof. dr. Dušanka Bošković

OBRAZAC

O UPISU U SPISAK OMLADINSKIH UDRUŽENJA I ORGANIZACIJA

1.	Pun naziv udruženja	
2.	Skraćeni naziv udruženja	
3.	Adresa udruženja	
4.	Kontakt telefon udruženja	
5.	Kontakt email udruženja	
6.	Datum osnivanja udruženja (dan, mjesec i godina)	
7.	Naziv nadležnog organa kod koga je udruženje upisan u registar i redni broj upisa.	
8.	Šifra privredne ili druge djelatnosti udruženja.	
9.	Oblast djelovanja udruženja	a) obrazovanje b) inkluzivno obrazovanje b) zapošljavanje i omladinsko poduzetništvo c) stambena politika d) aktivizam mladih e) zdravlje i zdravi životni stilovi f) sport g) kultura i umjetnost h) demokratija i ljudska prava i) ekologija i održivost Ostalo: _____
10.	Ciljevi udruženja	
11.	Vizija i misija udruženja (ukoliko postoje)	
12.	Organizaciona forma udruženja	a) za mlade b) udruženje koje radi sa mladima c) omladinska udruženja d) vijeća mladih
13.	Važnije aktivnosti / projekti u posljednjih 12 mjeseci udruženja	
14.	Članstvo u nekim mrežama / koalicijama udruženja u BiH / inostrantvu	
15.	Značajni projekti / aktivnosti u partnerstvu sa drugim udruženjima	



Podaci o licima ovlaštenim za zastupanje i predstavljanje udruženja

Ime i prezime lica ovlaštenog za zastupanje i predstavljanje udruženja			
E-mail		Telefon	

Obrazac 2



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

7/9

Izjava o saglasnosti za obradu ličnih podataka

Ime

Prezime

Pod moralnom, materijalnom i krivičnom odgovornošću dajem slijedeću

IZJAVU

da sam kao nosilac podataka, u skladu sa članom 5. stav (2) Zakona o zaštiti ličnih podataka ("Službeni glasnik BiH", br. 49/06, 76/11 i 89/11) saglasan/saglasna da Ministarstvo za nauku, visoko obrazovanje i mlade Kantona Sarajevo, kao kontrolor podataka može obraditi lične podatke u postupku obrade i ažuriranja podataka Spiska omladinskih udruženja i organizacija Kantona Sarajevo, shodno Pravilniku o sadržaju i načinu vođenja Spiska omladinskih udruženja Kantona Sarajevo, broj: 27-04-04-3397/26 od 03.02.2026.godine i iste u tu svrhu objaviti. Navedenu saglasnost dajem za period do prestanka ili gašenja omladinskog udruženja.

IZJAVU DAO

Sarajevo, _____ . godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba